



Den Numm „Éimaische“ mécht äis keng Onz Kappbrieches, 't as en „Emmaus-Maart“ a soss näischt, ma wéisste mer gutt, wéini dee Maart entstan as. 'T huet eng Kéier een e Buch geschriwwen, wouran en eng Éimaischen am Joër 1255, also zur Zäit vum Grof Hari dem Fënneften, beschreift, ma dee Mann huet alles gegléift, wat e selwer erfond huet. 'T as nömme schued, 't hun anerer dat fir bor Mänz geholl. Esou fënt een déi Seechen dann esouguer an enger Nouspelter Broschür erëm. 'T huet deemols an der Stad nach keng Aulebäckerzonft gin, geschweig nach eng Éimaischen. 'T as knaps unzehuelen, datt mer äis virun de Statute vun 1517 sollten en Aulebäckeschmaart erwaarden, wou d'Theobaldusbrudderschaft nach nët bestan huet.

En Tour iwwer d'Éimaischen

Dee Maart fällt op Ouschterméindeg, well deen Dag d'Aulebäcker mateneen an d'Mechelskiirch an hir Zonftmass gin an duerno gët dobausse verkaaft. Déi Gewunnecht as knaps virun der Zonft opkomm. Ma datt s'op Emmausdag grad sech opdeet, dat muss nach op aner Plaze gewiescht sin, well d'Kiirch ernimmt nët fir näischt deen Dag am Brevéier d'Handwerk vun den Aulebäcker. Wie grad en ale Brevéier bei Hand huet, dee kann et an der Mueresliesong nopréiwen; 't as e Saz aus enger Priedegt vum hellege Gregorius. Fir wat grad dann? Dat fanne mer natürléich nët méi eraus, ma op alle Fall huet et hei eng Aulebäckeschmass op Ouschterméindeg gin. Nëmme grad - eng Dëppebäckeschmass op Emmausdag as nach keng Éimaischen. Déi zwéin al Regëstere vun der Theobaldusbrudderschaft schreiwen all méiglech houfestlecht Gedeesses op, iwwert all Zonftmass wësse mer Bescheid, jhust vun der Éimaische könnt kee Pipjeswuurt op de Pabeier. Eist Staatsarchiv huet e ganze Koup Maartstatistiken aus der Éisträicherzäit an aus der Fransousenzäit, ma néierens begéine mer do eis Éimaischen, och nach nët am Napoléon séngem grouse Maartdekret vun 1808. War eise Määrtchen durch d'Fransousekricher ganz op den Hond komm oder war en ëmmer esou klinzeg gewiescht, datt emol d'Bruddermeeschtere vum hellegen Theobald et nët fir néideg fond hun, driwwer ze schreiwen? Oder gouf et eise Krommärtchen deemols nach guer nët? Mir hu besser äis do nët ze verheeschen. 'T läit sécher no, datt eng Zonftmass och e Maart unzitt, an eng Aulebäckeschmass an der Dominikanerkiirch och en Aulebäckeschmärtchen op der Plaz virun, ma fir dat schwaarz op wäiss ze kréien, do musse mer nach e Strapp waarden. Déi éischt offiziell Maartkorrespondenz iwwer d'Éimaischen as e Bréif vum Polizeikommissär Jhemp Müllendorf un de Schäfferot vun der Stad vum 3ten Abréll 1827:

„Nobles et honorables seigneurs“

„Le lundi de Pâques se tient une petite foire, principalement en poterie, en face de

l'église Saint-Michel, et elle y attire un grand rassemblement de monde, surtout d'enfants. Quoique la rue soit large en cet endroit, le passage s'est trouvé obstrué ce jour et quoique ce ne soit plus jour de fête, l'office divin se fait comme autrefois dans la susdite église. Par conséquent ce rassemblement de monde et le tumulte qui en est inséparable, sont très indécents en ce lieu. Je proposais donc à vos seigneuries de transférer cette foire sur la grande Place du Marché-aux-Poissons qui réunit en elle-même tous les avantages de la sûreté publique, la liberté des passages et un plus grand éloignement de l'église. On pourrait au besoin, pour prévenir les disputes que la cupidité de certaines personnes y fait souvent naître, pour occuper la première place, en faire la distribution la veille.“

Esouwäit de Polizeikommissär, an de Buurgermeeschter huet gläich geäntwert, schons de 6. Abréll. Hie gët séngem Polizeichef an allem Recht. „Nous vous autorisons pleinement à prendre toutes les mesures que vous jugerez convenables pour la tenue de la foire d'Emmaus“. Och d'Äntwert as fir äis

Gold wäärt: Domat wësse mer nët nëmme, wéini den Aulebäckeschmaart vun der Méchelskiirch erop op de Fëschmaart komm as, ma och nach, datt en du schons Éimaische geheescht huet. De 16. Abréll 1827 ganz genee as eis Éimaischen also fir d'éischt do gehal gin, wou se haut nach as. Et war du schons nët nëmme eng reng praktesch Aulebäckeschfouer, ma 't si besonnesch schons vill Kanner drop komm. Si kruten do méi ewéi sécher Spillsaache kaaft, a wat keeft ee schons vu Spillgezei beim Aulebäcker? Ongefëier dat, wat den Dicks 1883 a sénge Lëtzebuerger Gebräicher fir d'éischt genee opzielt: „Péckvillercher“ natürléich, „Spriddelcher“, „Léinefässercher“ a „Wäiraachen“. Am ganze 19. Jorhonnert huet d'Éimaischen also knaps hiirt Gesiicht gewiesselt, ma nëmme jhust hir Plaz. Mat hirem Spillgeschir kann et eréischt lues a lues biergofgang sin, wéi zu Nouspelt d'Iewen ëmmer mander gebak hun. Bis zum 14ter Krich ongefëier konnten d'aarde Spillsaachen op deen ale Schlag nach duerhalen; duerno huet méi a méi auslännesch Wuer



Règlement

concernant

des mesures extraordinaires à prendre contre le danger des aviateurs par rapport à la foire appelée „Emmaüs“.

missen hierhalen, well
duerno as ëmmer 20 Joër
laang kee Lëtzebuenger
Péckvull méi gebak gin.

Zënter dem Véierzengter
Krich si vu Jor zu Jor manner
Leit op Ouschterméindeg
d'Fleeschiergaass eraspad-
séiert. 'T gouf och wiirlech
ëmmer manner do gebueden;
vum richtegen Aulebäcke-
schmaart konnt och nët gutt vill
Rescht sin. Et gouf fir unzefänken
emol keng „Hänsercher“ méi:
keng volläarde Päifen. Souvenir-
stase mam Numm drop „Freiesch-
tasen“, déi een der Gefuedesch
konnt schenken, déi hun et vläicht
bis 1900 gepackt. Déi Zort Éimai-
schen - déi Zort Cadeau wuelverstan -
huet sech du ganz ausgelieft. Wéinst de
Kanner sin nun awer nach Geschäftsleit
op d'Iddi komm, fir Péckvillercher vu
baussen eranzeschlefen; Nouspelter
goufen et keng méi, ma 't koumen dër
ëmmer nach aus der Äifel. 'T waren nët
déi allerschéinst: 'T ware wäiss oder faar-
weg ugestrachten Hinnercher; mir hun de
Modell am Fong haut nach. Jhust dat bësse
Spillgezei an en etlech gro stengen Dëppe
waren an den zwanzeger an den éischten
drësseger Joren nach op der Éimaischen ze
kréien. - Ma do huet op eemol e Lëtze-
buenger Keramist, deen séng Konscht am
Fong op der Fayencerie praktizéiert huet,
eng Initiativ geholl, déi Gold wäart war fir
Jorzéngten, nach fir laang iwwert den zwete
Krich ewech: dat war Peterse Jhang aus dem
Reckendall mat séngen neien Nouspelter
Péckvillercher, dat heescht mat Villercher
aus echtem Nouspelter Leem. An hien huet
et och guer nët dobäi gelooss; och äarde
Spuerbéchsen huet hien nees op deen ale
Modell gebak. Sâi Beispill sollt och den
Optakt gin zu enger vill méi breder Uluegt
vun e puer Stack-Alstieds, déi den Emmaus-
määrtche wollte retten. 1937 hun si sech ze-
summedin, fir der Éimaischen nees op
d'Been ze hëllef: De Comité Alstad war
gegrennt. Schons dat Jor drop kruten si eng
Éimaische fäardeg, wéi zënter Jorzéngte kee
Mënsch eng erlieft hat, eng mat Eierpaarten
an Truechtegruppen an Ouschterär a wat
wonnesh nach alles. Si haten esouguer e
Stéck Folklore ausgegruewen, dat am Lëtze-
buergesche sécher schons ee Jorhonnert
dout war, wann et och déi Sait der Sauer an
der Musel haut nach ganz lieweg bleift; si
haten e Meebam opgeriicht, mat dosente-
weis Bänner a Flätschen drun. 'T war e bësse
fréi am Joër duefir, well Ouschteren as 1938
op de 17ten Abrëll gefall, ma dat hat nâischt
ze soen. Alles war zefridden. De Comité hat
awer nach eng ganz speziell Iddi, eng déi e

Luxembourg, le 29 mars 1918.

Le Collège des Bourgmestre et Échevins de la ville de Luxembourg,

Vu les art. 25 et 39 du règlement de police en date du 3 juin 1903, concernant les foires et marchés;
Attendu que le danger des aviateurs impose aux autorités l'obligation de prévenir de grands rassemblements de personnes surtout dans les endroits où la disposition des lieux ne permettrait pas au public de se mettre à l'abri en cas d'attaque aérienne et où des paniques pourraient entraîner les conséquences les plus funestes;

Attendu qu'il y a urgence;
Vu l'art. 52 de la loi du 24 février 1843 sur l'organisation des communes qui autorise les bourgmestre et échevins à faire, sans recourir préalablement au conseil communal et aux conditions y mentionnées, règlements et ordonnances de police en cas d'événements imprévus, lorsque le moindre retard pourrait occasionner des dommages pour les habitants;

Arrête:

Art. 1^{er}. La foire appelée „Emmaüs“, fixée au lundi de Pâques le 1^{er} avril 1918, n'aura pas lieu.

Il est défendu d'étaler ledit jour des marchandises et d'établir des jeux sur la place du Marché-aux-Poissons et dans les rues adjacentes.

Art. 2. Les contraventions au présent règlement seront punies des peines prévues par le règlement susrappelé en date 3 juin 1903.

Art. 3. Le présent sera immédiatement publié et affiché.

bis haut nët
méi opgin huet: dem Fest e gud-
den Zweck gin. Eppes ganz Apaartes feelbid-
den, jhust ee Jor fir deen Dag, an da lousen,
fir e gutt Wierk. Déi éischte Kéier hun s'esou
zu Gonschte vum Roude Kräiz hir Wuer
lassgeschloen, spéider war et da fir d'Lëtze-
buenger Crèche. 1938 war déi extra Wuer en
Äschenteller mat enger Truechtekoppel
drop, déi mat den Ouschterär getéckt huet;
mam ale Lëtzebuenger Kannersproch rond-
erëmgeschriwwen: „D'Spëtz fir d'Ee! Däint
fiirt anzweel!“ De Comité hat déi Iddi wëlle
wouermaachen, zugläch fir de Geschäftsleit
ze weisen, datt och e kënstleresch méi ausge-
schafften Artikel sech verkeeft, wann een
d'Saach richteg upéckt, an et war op deen
éischte Ulaf geroden. Si si monter weidger-
fuer: 1939-1940 . . . a schons krut d'Éimais-
chen hiren zweten ellene Ku: Mir haten nees
Krich.

D'Éimaische war wuel kee vun dene
Gebräicher, déi riichtewech verbuede gou-
fen, ma si huet sech missen „émsidele“ loos-
sen wéi souvill Leit och - zum Gléck nët
wäit, bis op de Knuedeler. De Comité Alstad
hat virleefeg emol fir véier Joër ausgespillt.

Eréischt 1945
huet en sech nees zu Wuert
gemellt mat engem Block vu Lithoën vum
Jos. Probst. Dee Block hat och den Titel:
„Déi éischt Éimaischen am fraie Lëtze-
buerg“. An zënterhier hun déi vum Comité
Alstad sech nët méi gin; si haten och all Uur-
sach derfir, zënter datt se 1946 esou en dich-
tege Keramiker ewéi de Léon Nosbusch
konnte mat hire Wënsch bombardéieren.
Am Laf vun de Jore gouf dat eng kleng Prës-
sessioun vun Erënnerongstelleren a Schos-
selen, ma och Kréi, Salzdeppen, Käärzestän-
ner, äarde Plättercher. E Folklorist ewéi de
Georg Schmitt huet sech et nët huele loosst,
fir selwer eng Parti Keramiken z'entwerfen.
Wien haut déi ganz Kollektioun beienen
huet, dee ka sech mengen. De Comité huet
sech souguer un d'Sigillographie gin - Sigele
vun eise véier Lëtzebuenger Kesere komme
fréisch op de Maart. 'T kënt ee bal um Dicks
sâi Lidd vum Sigfriddschlass erënneren, wou
et dran heescht: „Kuckt, hirer véier droen
d'Kroun“. Ma och déi Serie huet gezunn,
grad ewéi virdrun déi vun den ale Lëtzebu-
enger Zonftofzechen. 'T sin Undenken, déi
sech roueg kënnen weisen; d'Leit sin der
Saach bis haut nach nët midd gin.

Alain Atten